

Ocho participante pa Roadmarch infantil y seis pa hubenil

Comision Carnaval San Nicolas ta notificá despues di un reunion cu a tuma lugar ayera merdia cu e inscripcion pa festival di Roadmarch infantil y hubenil ta sera dia 21 di Januari venidero pa 6' or di atardi.

Esey kier men cu ainda tin chens pa inscribí serca Susanita Maduro na 846488, Helen Mohamed na 847769, Janine Rodriguez na 843761 of serca Erna of Afra Henriquez na 840803.

E festival lo tuma lugar dia 1 di Februari y Climax ta e banda cu lo ta compañaando e ocho participantenan infantil y seis hubenil.

Pa loko ta trata e cantantenan infantil tin inscribí Francella Jacobs 'Queen Francella', Linoy Croes 'Kid Explosion', Otamie Thomasia 'Princess Otamie', Naieiah Baynes 'Sincerity', Wesley Willems 'Mighty Wesley', Quincy Hasham 'Big A', Claudius Phillips Jr. 'Mighty C.A.D.', Carl Roosberg Jr. 'Callaway Jr.'

E participantenan hubenil ta: Analia Rasmijn 'Queen Analia', Catharina de Graf 'Flashing Luz', Alexander James 'King Bottle', Josey Kock 'Singing Show', Hamilton Soliana 'King Voodoo', Reginald Wilson 'Mr. Eraser'.



Coronacion Reinanan di Santa Cruz

Ayera 'tardi pueblo di Santa Cruz a goza y festehá Carnaval durante e happening organizá na Club San Martin pa marca e coronacion oficial di e distrito aki su Reina Hubenil y Reina Grandi.

Reina Hubenil a wordo coroná dor di Edmond Croes, kende un año pasá tambe a coroná e Reina Hubenil saliente Merelitz Croes. Reina Grandi di Santa Cruz 1997 Shahaira Geerman a entregá su corona na Sharity Kock, kende a wordo coroná pa Etty Dirks.

Nos fotógrafonan di Alegria y Fantasia tabata presente mescos cu den tur otro actividad carnavalesco y ta trece pa nos carnavalista y lectornan imágenan di e coronacion ayera 'tardi.

